

Naqqiut

Siunnersuut 24. februar 2016-imeersaq taarserpaa
(Makku naqqiutigineqarput § 3, imm. 1, 6, imm. 2 aamma § 16, imm. 2)

Uunga siunnersuut: Ilinniarfinni aamma ilinniagaqartut ineqarfiini aangajaarniutininik atuisoqartarnersoq pillugu misissuisoqartarnissaa pillugu Inatsisartut inatsisaat nr. xx, xx 2016-imeersaq

Kapitali 1

Atuuffia

§ 1. Ilinniarfiit aamma ilinniartut ineqarfii Namminersorlutik Oqartussat, kommunit aammalu namminersorluni ingerlatani, Naalakkersuisut isumaqatigiissuteqarfiginerisigut imaluunniit Naalakkersuisunit akuersissuteqarfigisanik ilinniakkanik atuartitsinernillu neqerooruteqarluni ingerlatani, Inatsisartut inatsisaanni uani maleruagassiissutaasut naapertorlugit ilinniarfinni najugaqarfinnilu, akuutissanik tangilinnik ilinniartut atuinerannik, Kalaallit Nunaanni aangajaarniutit pillugit inatsisit atortussaataaasoq naapertorlugu misissuisinnaaneq.

§ 2. Misiligutissamik tigusinertut paasineqassaaq sunaluunniit misissuineq takutitsisinnaasoq misissuiffigineqartoq iisaqarsimanersoq, pujortarsimanersoq allatulluunniit iliorluni aangajaarniummik timiminut akulerussisimanersoq pillugu misiligutissamik misissuineq.

Kapitali 2

Misiligutissamik tigusinissamut tunngavissat

§ 3. Ikiaroorartumik atuisimasinnaanermut misissuiffigitinneq taamaallaat pisinnaavoq misissuiffigisassap allaganngorlugu akuersineratigut, taamaattoq takuuk imm. 3. Misissuinermini peqataajumalluni akuersineq aatsaat ilinniarnep aallartinnerani pisinnaavoq, imaluunniit ilinniagaqartut inaanni ineqarnissamut isumaqatigiissuteqarnermut atatillugu, atorunnaassallunilu kingusinnerpaamik ilinniarfimmik imaluunniit ilinniagaqartut inaannik qimatsinermini. Akuersineq paasissutissanik imaattunik imaqassaaq

- 1) misiligutissamik tigusineq qanoq atorneqarniarnersoq, aamma
- 2) paasissutissat ingerlatseqinneqarsinnaanersut, taamaassimappallu kimut.

Imm. 2. Misissuinermini tamani ilinniagaqartup akuersinnginnerani paasissutissiisoqartassaaq misissuineranut tunuliaqutaasut siunertaasullu pillugit, ilisimatitsisoqartassarluni misiligutissamik tiguisoqarnissaa nammineq piumassutsimik pisussaasoq, kisiannili itigartitsineq inatsisitigut ikiaroorartumik atuisuunertut nalilerneqarsinnaasoq, takuuk § 11, imm. 2.

Imm. 3. Ilinniagaqartoq 18-it inorlugit ukioqarpat, misissuisoqarnissaanut piumasaqaat angajoqqaatut akisussaassuseqartunut saaffiginnissutigineqassaaq, taakkualu imm. 1

naapertorlugu akuersisussaapput, ilinniagaqartorlu nammineq misiligutissamik tigusiarnermi peqataarusunnerluni oqaaseqarnissaminut periarfissaqartinneqassalluni. Angajoqqaatut oqartussaasut aamma ilinniagaqartoq tamatuma ilutigisaanik imm. 2-mi pineqartutut ilisimatitsissuteqarfigineqassapput.

§ 4. Ilinniarfiit aamma ilinniagaqartut ineqarfii inatsimmi pineqartunut ilaasut ileqqorissaarnissamut maleruagassanik suliaqarsinnaapput, tassanilu aalajangersaavigalugu aangajaarniutunik atuinermut inerteqquteqarneq, aammalu aangajaarniutunik atuisimanerup paasineqartup kingunerisassai pillugit, tamatumani mianersoqquneqarnissaq ilinniarnermiillu peersinneqarsinnaaneq, taamaattoq takuuk § 10, imm. 3.

§ 5. Misiligutissamik taamaallaat tiguisoqarsinnaavoq ilinniarfiup imaluunniit ilinniagaqartut ineqarfiata aangajaarniutunik atuinissamut inerteqquteqarnermik ileqqorissaarnissamut malittarisassani aalajangersagaqarnera tunngavigalugu.

Imm. 2. Ilinniarfiup imaluunniit ilinniagaqartut ineqarfiata aangajaarniutunik atuinermik inerteqquteqarnera ilinniakkamut qinnuteqartunut paasissutissiissutigineqartassaaq. Ilinniarnerup aallartinnerani ilinniagaqalersunut nutaanut ilinniartullu ineqarfianni najugaqartunut malittarisassat paasissutissiissutigineqartassapput, ilinniarnerup aallartinnerani imaluunniit najugaqarfimmuut iserternermut atatillugu.

§ 6. Aangajaarniutunik atuisoqarsimasinnaaneranut misiligutissamik tigusinissaq sunaluunniit ilinniarfiup imaluunniit ilinniagaqartut ineqarfiata aangajaarniutunik atueqqusinnginnermut aalajangersagaanik unioqquitsisoqarsimasinnaaneramik tigussaasumik pasitsaasaqartoqarnera tunngavigalugu taamaallaat pisinnaavoq, taamaattoq takuuk imm. 2.

Imm. 2. Naalackersuisut qinnuteqartoqarnera tunngavigalugu misiliilluni misissuinissamut pisinnaatitsisinnaapput, imminut illersorsinnaanermut imaluunniit allat imminnut illersorsinnaanernut aalajangiisuusumik pingaaruteqarpat ilinniagaqartut piffissami sumiluunniit ilinniarnermi nalaani aangajaarniutunik sunnersimaneqannginnissaat.

Kapitali 3

Misiligutissamik tiguisarnerup ingerlanneqartarnera aamma misiliinerup inatsisitigut sunniutissai

§ 7. Aangajaarniutunik atuisoqarsinnaanera pillugu misissuineq pisassaaq misissuinissamut periaatsit atortussiallu tatiginartut atorlugit, misissuiffigineqartumullu sapinngisamik annikinnerpaamik sunniuteqartumik toqqissisimanartumillu ingerlanneqassalluni. Naalackersuisut misissueriaatsit misissuinerumullu atortut tatiginartut pillugit ingerlaannartumik paasissutissiisassapput.

Imm. 2. Naalackersuisut malittarisassiorsinnaapput misiligutissamik tiguisarnermi periaatsit qanoq ittut aamma atortussiat qanoq ittut atorineqarnissaat pillugu, misiliinerup ingerlanneqarnissaanut piffissami sumiluunniit pissusissamisoortutut tatiginartutullu isigineqartut atorlugit ingerlanneqartussatut.

§ 8. Ilinniarfiup aamma ilinniagaqartut ineqarfiata isumannaassavaat paasissutissat malittarisassat atuuttut naapertorlugit isumagineqarnissaat .

imm. 2. Naalakkersuisut aalajangersagaliorsinnaapput paasissutissat misiligutissamik tigusermi pissarsiarineqartut qanoq atorneqartarnissaat pissuseqarfigineqartarnissaallu pillugit.

§ 9. Aangajaarniutininik atuisoqarnerseq pillugu misiligummik tiguserneq, malittarisassat tamatumunnga atuuttut naapertorlugit ingerlanneqarsimasooq, uppersarsaatitut atorneqarsinnaavoq misissuiffigineqartup ilinniarfiup imaluunniit ilinniartut ineqarfiata aangajaarniutininik atuisoqannginnissaanut ileqqorissaarnissamut malittarisassai unioqutissimanerai pillugit uppersarsaatitut.

Imm. 2. Misissuineq negatiiviusooq malittarisassat naapertorlugit periaaseqarfigineqassaaq, ilinniarfiup imaluunniit ilinniagaqartut ineqarfiata uppersarsarsinnaanngippagu misiligummik tigusermi kukkusoqarsimasooq, imaluunniit misiliinerup inernissaanut tunngatillugu uukapaatitsisoqarsimasooq. Uukapaatitsisoqarsimappat ilinniarfik imaluunniit ilinniagaqartut ineqarfiata ingerlaannartumik nutaamik misiligutissamik tiguserneqarnissaa isumagissavaa.

§ 10. Misiligutissamik tiguserneq misissorneqarnerata inernerai pineqarpat ilinniagaqartoq sapinngisamik piaarnerpaamik inernerusooq pillugu ilisimatinneqassaaq.

Imm. 2. tamatumunngalu uppersarsaataasumik saqqummiussisoqassalluni.

Imm. 3. Misissuinermi misissugaq aangajaarniutininik atuisuunermik ersersitsippat ilinniagaqartoq mianersooqqussummik tunineqassaaq, atuisuunermik paasisaqarnerq siullermeersumik ilinniarnerup nalaani imaluunniit ilinniagaqartunut ineqarfimmi najugaqarnerup nalaani pisimappat.

Imm. 4. Ilinniagaqartoq ilinniarfimmi imaluunniit ilinniagaqartut ineqarfianni ineqarnermi nalaani misissuiffigineqarqinnermini suli atuisuusutut paasineqarsimappat, eqqartuussivitsigut erniinnartumik kinguneqartitsinermi misissueqqinnerup inernerai atorneqarsinnaavoq, ilinniarfiup imaluunniit ilinniagaqartunut ineqarfiusup ileqqorissaarnissamut malittarisassai atuuttut naapertorlugit.

§ 11. Ilinniagaqartoq kinaluunniit pisinnaatitaavoq ilinniarfiup ilinniartulluunniit ineqarfiata aangajaarniutininik atuisuusinnaaneq pillugu misissuiffigineqarnissamut piunasaqaataanut itigartitsissalluni.

Imm. 2. Aangajaarniutininik atuisuusinnaaneq pillugu misissuiffigineqarnissamik piunasaqarnermut itigartitsineq inatsisitigut aangajaarniutininik atuisuusutut misissuiffigineqarsimanertut atortussaatinneqassaaq, tamatumunnga takuuk § 9, imm. 1.

Imm. 3. Ilinniagaqartoq misissuiffigineqarnissaminut tunngatillugu itigartitsinerminut atatillugu ilisimatinneqassaaq tamatuma inatsisitigut kingunerisassai pillugit, takuuk imm. 2.

Kapitali 4

Misissuisimanerup inerneranik misissueqqinneq aamma

naammagittaalliuteqarnissamut periarfissat

§ 12. Ilinniagaqartoq, misissuinermi misiligut uppersarlugu misissoqqissaarnissaanik piunasaqarsinnaatitaavoq. Uppersaalluni misissueqqissaarneq ilisimatuussutsikkut misissueriaaseq atorlugu misileraavimmi (laboratoriumi) tamatumunnga naapertuuttumi ingerlanneqassaaq.

Imm. 2. Misissuisimanerup inernerata tiguneqarnerata kinguinngua uppersaaviusumik laboratoriami misissuisitsinissamut piunasaqaat saqqummiunneqarsimassaaq. Uppersaasiiviusumik misissuinermut tunngatillugu misiligutaasup aangajaarniutunik atuisimanerup uppersarneqarfigisaanut aningaasartuutit ilinniagaqartumit namminermit akilerneqassapput.

Imm. 3. Uppersaaviusumik misissuisoqarnissaanik piunasaqaateqarneq saqqummiunneqartoq ilinniarsiup imaluunniit ilinniartup ineqarfiata pineqaatissiissutiginiagaanik atortussaatisinnassaaq. Tamanna akornutaassanngilaq ilinniarsiup imaluunniit ilinniagaqartup ineqarfiata pisariaqartunik iliuuseqarnissaanut, ilinniagaqartoq nammineq allaluunniit isumannaatsumik atugaqarnissaannut uloriarnartorsiortitsinnginnissaa eqqarsaatigalugu, misissueqqinnerup inernerata tiguneqarnissaata tungaanut.

§ 13. Ilinniarsiup imaluunniit Namminersorlutik Oqartussat ilinniagaqartunut inissiaataasa aangajaarniutunik atuisoqarnera pillugu misissuisoqarnissaanik aalajangernerat ilinniagaqartumit kingusinnerpaamik tamatumunnga aalajangernerup tiguneqarneraniit sapaatip akunneri marluk qaangiutsinnagit Naalakkersuisunut naammagittaalliutigineqarsinnaavoq. Naammagittaalliuteqarneq pissutsinik ingerlasunik allanngortitsissanngilaq.

Imm. 2. Aangajaarniutunik atuisoqarnera pillugu misissuineq pisortani allaffissornikkut oqartussanut allanut naammagittaalliutigineqarsinnaanngilaq, taamaattoq takuuk § 12, imm. 1 misissuinerup inerneranik uppersaaviusumik nalilersugassanngortitsisinnaaneq.

Imm. 3. Uppersaaviusumik misissuinerup inernerata allaffissornikkut oqartussanut allanut naammagittaalliutigineqarsinnaanngilaq.

§ 14. Pisortat aamma inuit pineqartut inatsisitigullu inuttut pineqartut, § 1 naapertorlugu aanngajaarniutunik atuisoqarnera misissuisut, misissuereernerup kinguinngua misissuinermi atornerqarsimasut sinnerisinnaasaat aserorterlugit nungutissavaat, aammalu pisussaaffigivaat teknikkikkut aqqissuussaaniikkullu qulakkeerlugu isumannaallisassavaat, misissuisimanermit paasissutissat susassaqaanngitsunit ilisimaneqalinnginnissaat atornerlunneqaannginnissaat, allatigullu inatsisartut inatsisaat una unioqutillugu pissusilersorfigineqaannginnissaat.

Kapitali 5

Aningaasalersorneqarnera, nakkutilliineq aamma pineqaatissiisutit

§ 15. Aangajaarniutitik atuisoqarsinnaanera pillugu misissuinnermut tunngatillugu aningaasartuutit ilinniarfimmit nammineq imaluunniit ilinniagaqartut ineqarfiannit misissuititsisumit aningaasartuutigineqassapput, taamaattoq takuuk § 12, imm. 2, oqaaseqatigiit aappaat.

§ 16. Naalackersuisut pingaarnertut ilinniarfiit aamma ilinniagaqartut ineqarfiisa inatsimmik atortuutitsinerannik nakutilliisuupput.

Imm. 2. Naalackersuisut ilinniagaqarfinnut aamma ilinniagaqartut ineqarfiinut paasisutissanik piumasaqarsinnaapput, inatsisit naapertorlugit sulianut tunngatillugu pisariaqartinneqartunik.

§ 17. Akiligassiisoqarsinnaavoq § 3, imm. 1 aamma 2, § 7, imm. 1, oqaaseqaatigiit siullianni, § 8, imm. 1 aamma §14-imik unioqqutitsinernut tunngatillugu.

Imm. 2. Maleruagassani § 7, imm. 2, aamma § 8, imm. 2 tunngavigalugit suliarineqartuni pineqaatissiisoqarsinnaavoq akiliisitsinertut, maleruagassamik unioqqutitsinermut.

Imm. 3. Inatsisartut inatsisaanni najoqqutassartaanilu atortussaataasuni akiligassiilluni eqaartuussinissaq tunngavissaqarpat, eqqartuussisutigoortumik kinaassusillit (juridiske personer) akiligassinneqarsinnaapput Kalaallit Nunaanni pinerluttulerinermut inatsimmi maleruagassat tunngavigalugit.

Imm. 4. Akiliutit Inatsisartut inatsisaat una naapertorlugu pisut, imaluunniit Inatsisartut inatsisaat naapertorlugu malittarisassani aalajangersarneqartut tunngavigalugit akiliutigineqartut nunatta karsianut nakkartinneqassapput.

Kapitali 6

Atortuulerfia

§ 18. Inatsisartut inatsisaat atortuulerpoq ulloq 1. august 2016

Namminersorlutik Oqartussat, xx. xx 2016.

Kim Kielsen